

潰氏者奢侈踰法魯之鬻六畜者飾之以  
儲價及孔子之為政也則沈猶氏不敢朝  
飲其羊公慎氏出其妻慎潰氏越境而徙  
三月則鬻牛馬者不儲價賣羔豚者不加  
飾男女行者別其塗道不拾遺男尚忠信  
女尚貞順四方客至於邑者不求有司

其職客不求  
而有司焉皆如歸焉

言如歸家  
無所也

### 始誅第二

孔子為魯司寇攝行相事有喜色仲由問

曰由聞君子禍至不懼福至不喜今夫子  
得位而喜何也孔子曰然有是言也不曰

樂以賢下人乎於是朝政

聽朝

七日而誅亂

政大夫少正

官卯名

戮之於兩觀之下

兩觀尸  
謂名尸

於朝三日子貢進曰夫少正卯魯之聞人  
也今夫子為政而始誅之或者為失乎孔

子曰居吾語女

怨與切

以其故天下有大惡者

五而竊盜不與焉一曰心逆而險二曰行

辟

匹亦切

而堅三曰言偽而辯四曰記醜

醜謂非義

而

博。五曰順非而澤此五者有一於人則不

免君子之誅而少正卯皆兼有之其居處

足以擷擷聚也則九反徒成黨其談說足以飾褻瑩

惑也鳥迥切衆其強禦足以返是獨立此乃人之

姦雄者也不可以不除夫殷湯誅尹諧一作

文王一作誅潘正潘正作周公誅管蔡太公誅

華士士之為人虛偽亦聚黨也管仲誅付乙一作子產誅史

何一作凡此七子皆異世而同誅者以七子

異世而同惡故不可赦也詩云憂心悄悄

愠于羣小小人成羣斯足憂矣

孔子為魯大司寇有父子訟者夫子同狴

狴獄牢也狴犴胡犬也舍守故以名獄○狴部禮反執之三月不別謂辨決其子罪

其父請止夫子赦之焉季孫聞之不說曰

司寇欺余曩告余曰國家必先以孝余今

戮一不孝以教民孝不亦可乎而又赦何

哉冉有以告孔子孔子喟然歎曰嗚呼上

失其道而殺其下非理也不教以孝而聽

其獄是殺不辜三軍大敗不可斬也獄犴

不治不可刑也。何者？上教之不行，罪不在民故也。夫慢令謹嚴誅，賊也。徵歛無時，暴也。不試責成，虐也。政無此三者，然後刑可即也。書云：義刑義殺，勿庸以即。汝心惟曰：未有慎事，言必教而刑也。言刑殺皆當以義勿用，以就汝心之所安。又當猶自謂未有使人可順守之事，且陳道德以服之，以無刑殺而後為順，是先教後刑也。陳道德以先服之，而猶不可尚賢以勸之，又不可即廢之。荀子作廢，不能以單之單盡也，謂熱削也。又不可而後以威憚之。若是三季而百姓正矣，其有邪民不

從化者，然後待之以刑，則民咸知罪矣。詩

云：天子是毗，俾民不迷。毗，輔也。俾，使也。言師尹

定以威厲而不試刑，錯而不用，今世則不

然亂其教，繁其刑，使民迷惑而陷焉。又從

而制之，故刑彌繁而盜不勝也。夫三尺之

限，一作岸空車不能登者，何哉？峻故也。百仞之

山，重載陟焉，何哉？陵遲故也。陵，遲也。稽，破也。今世俗

之陵遲久矣，雖有刑法，民能勿踰乎？

王言解第三

孔子閒居曾參侍孔子曰參乎今之君子  
 唯士與大夫之言聞也至於君子之言者  
 希也於乎吾以王言之其不出戶牖而化  
 天下曾子起下席而對曰敢問何謂王者  
 言孔子不應曾子曰侍夫子之間也難大  
禮作得夫子 是以敢問孔子又不應曾子肅  
之間也難 然而懼握衣而退負負倚席而立有頃孔子  
 歎息顧謂曾子曰參女可語明王之道與  
 曾子曰非敢以為足也請因所聞而學焉

子曰居吾語女夫道者所以明德也德者  
 所以尊道也是以非德道不尊非道德不  
 明雖有國之良馬不以其道服乘之不可  
 以取取趣也道里雖有博地衆民不以其道  
 治之不可以致霸王是故昔者明王內修  
 七教外行三至七教修然後可以守三至  
 行然後可以征明王之道其守也則必折  
 衝千里之外其征也則必還師在席之上  
 故曰內修七教而上不勞外行三至而財

不費。此之謂明王之道也。曾子曰：不勞不費之謂明王，可得聞乎？孔子曰：昔者帝舜左禹而右皋陶，不下席而天下治。夫如此，何上之勞乎？政之不中，君之患也。今之不行，臣之罪也。若乃十一而稅，用民之力，歲不過三日，入山澤以其時，而無征關譏市，

鄜皆不收賦。

譏呵也。譏異服異言及市。鄜皆不賦，稅古之法也。

此則生財

之路，而明王節之，何財之費乎？曾子曰：敢問何謂七教？孔子曰：上敬老，則下益孝；上

尊齒，則下益弟；上樂施，

武至切。

則下益寬；上親

賢，則下擇友；上好德，則下不隱；上惡貪，則

下耻爭；上廉讓，則下耻節。此之謂七教。七

教者，治民之本也。政教定，則本正矣。凡上

者，民之表也。表正，則何物不正是？故人君

先立仁於己，然後大夫忠而士信，民敦俗

樸。

樸，慤也。願貌。

男慤而女貞，上者教之致也。布諸天

下四方而不窳。

薄也。

納諸尋常之室而不塞。

室也。等之，

等之齊也。

以禮立之，以義行之，以順則

民之弃惡如湯之灌雪焉。曾子曰：道則至矣。弟子不足以明之。孔子曰：參，以為姑止乎？文有焉。昔者明王之治民也，法必裂地以封之，分屬以理之。然後賢民無所隱，暴民無所伏。使有司日省而時考之，進用賢良，退貶不肖，則賢者說而不肖者懼。哀鰥寡，養孤獨，恤貧窮，誘孝弟，選才能。此七者修，則四海之內無刑民矣。上之親下如手足之於腹心，下之親上如幼子之於慈母。

矣。上下相親如此，故令則從，施則行，民懷其德。近者說服，遠者來附，政之致也。夫布指知寸，布手知尺，舒肘知尋，斯不遠之則也。周制三百步為里，千步而井，三井而埒。

封道曰埒。淮南子曰：道有行埒，又堤也。盧拙反。埒三而矩。此說里數不可以言井，井自方里之名疑。五十里而都，封百里而有國，乃為稽積。

資聚焉。恤行者有無，是以蠻夷諸夏雖衣冠不同，言語不合，莫不來賓。故曰：無市而民不乏，無刑而民不亂。田獵罩弋，罩魚籠也。繳射也。

單陟非以盈宮室為祭與徵歛百姓非以盈府

庫也備人倫慘怛以補不足禮節以損有餘

多信而寡貌其禮可守其言可復其跡可

履如饑而食如渴而飲民之信之如寒暑

之必驗故視遠若邇非道邇也見明德也

是故兵革不動而威用利不施而親此之

謂明王之守折衝千里之外者也曾子曰

敢問何謂三至孔子曰至禮不讓而天下

治至賞不費而天下士說至樂無聲而天

下民和明王篤行三至故天下之君可得

而知天下之士可得而臣天下之民可得

而用曾子曰敢問此義何謂孔子曰古者

明王必盡知天下良士之名如周禮大司徒教

夫考其德藝辭賢能於王既知其名又知其實

王受而登之天府是也按周禮卿論其秀士升之司徒而大樂正大司馬以次

又知其數如列侯郡守二千石各擇其吏民之賢者

人口自二萬以至百萬所舉自及其所在焉列侯郡守

一人以至五人各有差是也然後因天下之爵以尊之此之謂至禮不

讓而天下治。因天下之祿以富天下之士。此之謂至賞不費。而天下之士說。如此則天下之名譽興焉。此之謂至樂無聲。而天下之民和。故曰所謂天下之仁者。能合天下之至親也。所謂天下之明者。能舉天下之至賢者也。成有此三者咸通。然後可以征。是故仁者莫大乎愛人。智者莫大乎知賢。賢政者莫大乎官能有土之君。修此三者。則四海之內共命而已矣。夫明王之征。必

道之所廢者也是。故誅其君而改其政。弔其民而不奪其財。故明王之政。猶時雨之降。降至則民說矣。是故行施彌博。得親彌衆。此之謂還師衽席之上。言安安而無憂也

### 大昏解第四

孔子侍坐於哀公。公曰。敢問人道孰為大。孔子愀變色貌七小切然。作色而對曰。君之及此言也。百姓之惠也。固與後寡人實固之固同陋也臣敢無辭而對。人道政為大夫。政者正也。君為正。則百



姓從而正矣。君之所為，百姓之從。君不為正，百姓何所從乎？公曰：敢問為政如之何？孔子對曰：夫婦別，男女親，君臣信，三者正則度物物猶事也從之。公曰：寡人雖無能也，願知所以行三者之道，可得聞乎？孔子對曰：古之為政，愛人為大，所以治；愛人禮為大，所以治禮；敬為大，敬之至矣。大昏為大，禮以敬為至大昏至矣。大昏既至，冕而親迎，親迎者敬之也。雖天子諸侯皆冕而親迎是故君子興敬為親，捨

敬則是遺親也。弗親弗敬，弗尊也。愛與敬，其政之本。與公曰：寡人願有言也。然冕而親迎，不已重乎？孔子愀然作色而對曰：合二姓之好，以繼先聖之後，以為天下宗廟社稷之主。此自天子諸侯言之也。主以長子言，故下曰萬世之嗣也。君何謂已重乎？公曰：寡人實固。固猶鄙也。謂以冕而親迎為已重也。不固安得聞此言乎？寡人欲問，不能為辭，請少進。一下有教字孔子曰：天地不合，萬物不生。大昏萬世之嗣也。君何謂已重焉？孔子遂言曰：內

以治宗廟之禮足以配天地之神為宗廟天地之神之次

出以治直言之禮足以立上下之敬夫婦正則始可

以治正言之禮身正然後可以正人者也物恥則足以振之取事不知禮足以振教之

國恥則足以興之恥國不知禮足以興起之故為政先乎

禮禮其政之本與孔子遂言曰三代明王

必敬妻子也蓋有道焉妻也者親之主也

冕而親迎為親主於內也子也者親之後也親傳其後也敢

不敬與是故君子無不敬也者敬身為

大身也者親之支也敢不敬與不敬其身

是傷其親是傷其本也傷其本則支從之

而亡三者百姓之象也言百姓之所法而行身以及身

子以及子妃以及妃君能修此三者則大

化愾至也又及也○黑乙切乎天下矣昔者大王之道也

大王出以姜女入亦姜女國無繇民愛其身以及人之身愛其子以及人之子故曰大王之道也如

此國家順矣公曰敢問何謂敬身孔子對

曰君子過言則民作辭過行則民作則言

雖過民猶從之也言不過辭動不過則百姓恭敬以

從命若是則可謂能敬其身敬其身則能

臺灣國家圖書館, NATIONAL CENTRAL LIBRARY, TAIWAN, R.O.C.

成其親矣公曰何謂成其親孔子對曰君

子者人之成名也百姓與名謂之君子言

與之以君子之名也則是成其親為君而為其子也孔

子遂言曰為政而不能愛人則不能成其

身不能成其身則不能安其土不能安其

土則不能樂天安土樂天易中盡性之事隨處皆安而無一息不仁安上也既知天

命而又樂天不能樂天則不成其身公曰敢

問何謂能成身孔子對曰夫其行已不過

乎物謂之成身不過乎物合天道也合物理之當然

公曰君子何賢乎天道也孔子曰賢其不

已也如日月東西相從而不已也是天道

也不閉而能久不閉故常通而能久言無極也是天道也無

為而物成是天道也已成而明之無為雖若難名有成

功則昭著也是天道也公曰寡人且愚冥眉兵切幸煩

子志之心也欲煩孔子議識其心所能行也孔子斂不自安貌然

避席而對曰仁人不過乎物孝子不過乎

親是故仁人之事親也如事天事天如事

親此謂孝子成身公曰寡人既聞如此言

也無如後罪何言寡過之難也孔子對曰君之及此言是臣之福也

儒行解第五

孔子在衛冉求言於季孫曰國有聖人而不能用欲以求治是猶却步而欲求及前人不可得已今孔子在衛將用之已已己國也有才而以資鄰國難以言智也請以重幣延之季孫以告哀公公從之事在哀公十一年孔子至舍哀公館焉就孔子舍公自阼階孔子賓

階升堂立侍公曰夫子之服其儒服與孔

子對曰丘少居魯衣逢掖之衣深衣之袂大也長居

宋冠章甫之冠緇布為之禮冠也丘聞之君子之學

也博其服以鄉隨其鄉俗丘未知其為儒服也言非所重

公曰敢問儒行孔子曰略言之則不能終

其物物猶事也悉數之則畱更僕未可以對畱久也僕大僕

君燕朝則正位掌擯相更為之久將倦使之相代者也哀公命席孔子侍

坐曰儒有席上之珍以待聘席籍也賓也能籍先王之道以資政治也

夙夜強學以待問懷忠信以待舉力行以

待取忠信則可任力行則可使皆我自立以有待而不求焉其自立有如此

者儒有衣冠中之仲動作慎大讓如慢所以自抗故如

慢而小讓如偽所以致曲故如偽而不誠大則如威小則如

媿大小以容貌言大則有所不可犯小則有所不敢為難進而易退也粥

粥若無能也其容貌有如此者儒有居處

齊古文也難慎重意莊皆切其起坐恭敬言必誠信行

必中正敬也道塗不爭險易之利冬夏不爭

陰陽之和怨也愛其死以有待也養其身以

有為也不爭近小以害遠大其備預有如此者儒有不

寶金玉而忠信以為寶不祈祈求也土地而仁

義以為土地不求多積而多文以為富難

得而易祿也易祿而難畜也非時不見不

亦難得乎非義不合不亦難畜乎先勞而

後祿不亦易祿乎其近人情有如此者儒

有委之以貨財而不貪淹之以樂五教好虛到切

而不淫劫之以衆而不懼阻難也之以兵而

不攝見利不虧其義見死不更其守鷙蟲

攫搏不程其勇鷙猛擊也蟲疑即毛蟲羽蟲之蟲攫左手握也搏索持也程限量也

引重鼎不程其力喻勇足以犯難往者不悔

行必當理來者不豫知足以應過言不再流

言不極流言相毀知足以不斷其威常嚴不習

其謀物來順應其特立有如此者儒有可親而

不可劫強取也可近而不可迫可殺而不可

辱其居處不過記作淫其飲食不溲濃厚其

過失可微辯而不可面數也疏曰此句似尚

理未合其剛毅有如此者儒有忠信以為

甲冑禮義為干櫓櫓櫓大戟也戴仁而行抱義

而處雖有暴政不更其所其自立有如此

者儒有一畝之宮環堵之室方丈曰堵一簞

門圭竅簞門編荆竹為門也圭蓬戶甕牖以編蓬

甕為易衣而出更相易衣并日而食并一日之糧

上荅荅合也之不敢以疑道合即信而就上不荅

之不敢以諂不合則去其仕有如此者儒有

今人以居古人以奢同今世行之後世以

為楷法也若不逢世上所不援下所不推詭

諂之民有比黨而危之者身可危也其志

不可奪也。雖危起居，猶竟信切。其志乃不

忘。百姓之病也。身雖危而必行其志，道雖塞而不忘其民。其憂思有

如此者，儒有博學而不窮知新故，篤行而不

倦。可久故幽居而不淫窮不失義也，上通而不困達不離道

也。禮必以和，優游也。以法有節也，慕賢而容眾

毀方而瓦合。陶瓦者毀其圓則方合，其方復圓而有辯也。其寬裕有

如此者，儒有內稱不辟親，外舉不辟怨，程

功積事，不求厚祿。上不求報於君推賢遠能，不望其

報。下不責報於人君得其志，民賴其德，苟利國家不

求富貴，其舉賢援能有如此者，儒有澡身

浴德。致其潔清以洗其心也。陳言而伏入告其君，不揚於外，言而正

之上，不知也。默而翹之，又不為惡也。以清等事君，因

事而正之，則君不知默而發之，所以為不為也。不臨深而為高，不加少

而為多。言不因勢位而自矜莊也。世治不輕，世亂不沮，同

已不與異己不非。達而必以其道窮而必行其志，不以同己而與，不以異己而非。

其特立獨行有如此者，儒有上不臣天子，

下不事諸侯，慎靜尚寬，砥礪廉隅，強毅以

與人博學，以知服服力行也。近文章雖近文不勝質，雖以分

國視如錙銖十案為銖八兩弗肯臣仕其規為

有如此者儒有合志同方營道同術竝立

位相則樂相下位相不厭與齊久別則聞流言

不信記有其行本方立義六義同而進記將義不

同而退同謂與其交記有有如此者夫溫良者

仁之本也慎敬者仁之地也寬裕者仁之

作也作為也遜接者仁之能也禮節者仁

之貌也言談者仁之文也歌樂者仁之和

也分散者仁之施也儒行之八者既歷數以告哀公

儒皆兼而有之兼下猶且不敢言仁也其

尊讓有如此者儒有不隕穫於貧賤隕穫隆

不克詘於富貴克詘驕吝也不溷

君王不累長上不閔有司傷也言不受於君長

故曰儒儒者有道今人之名儒也妄句常

以儒相詬疾詬疑作詬毀也疾惡也妄為儒哀公既

聞此言也言加信行加敬曰終歿吾世弗

敢復以儒為戲矣

問禮第六



哀公問於孔子曰大禮何如子之言禮何其尊尊猶重也孔子對曰丘也鄙人不足以知大

禮公曰吾子言焉孔子曰丘聞之民之所

以生者禮為大非禮則無以節事天地之

神祭以事天地之神皆以禮為儀節神兼百神言非禮則無以辨君臣

上下長幼之位焉非禮則無以別男女父

子兄弟婚姻親族疏數之交焉是故君子

以此此指禮也為之尊敬尊敬謂大也然後以其所能教

順百姓易曰禮非強世所謂順也不廢其會節此總前言會謂禮之所聚

而不可適處節謂分之所限而不可適處也既有成事成事謂誦日筮吉而事可成也然

後治其雕鏤祭器文章黼黻祭服以別尊卑上

下之等其順之也此謂人無違心也而後言備明也其喪

祭之紀宗廟之序品其犧牲設其豕腊乾肉

脩其歲時以敬祭祀別其親疏序其昭穆

而後宗族會宴一作即安其居以綴恩義卑

其宮室節其服御車不雕璣器不彫一作鏤

食不二味心不淫志疑作以與萬民同利古

之明王行禮也如此公曰今之君子胡莫

之行也孔子對曰今之君子好利無厭淫

行不倦荒怠慢游固如固獲之固力取也民是盡以遂

其心以怨其政以忤其衆以伐有道求得

當欲不以其所言苟求得當其情欲而已虐殺刑誅不以

其治理也夫昔之用民者由前用上今之用民

者由後用下所言是即今之君子莫能為禮也

言偃問曰夫子之極言禮也可得而聞乎

孔子言我欲觀夏道是故之也適也杞夏後封杞而不

足徵徵證也吾得夏時焉於十二月之正正夏數得天心之中或謂即夏小正之屬

正夏之書名也我欲觀殷道是故之宋殷後封宋而不足

徵也吾得乾坤焉得天地陽陰之書即易也商易曰歸藏歸藏首坤次乾故也

乾坤之義夏時之等也吾以此觀之夫禮

初也記作禮之初始於飲食太古之時燔黍擘豚

古未有釜甑以米肉加於燒石之上熟而食之汁罇而抔飲罇地為罇也

貴桴黃州桴椎也黃○具位切桴○房鳩切而土鼓猶可以致

敬於鬼神享其德不求備物也及其歿也升屋而號曰

高高作臯引聲之言某歿者之名復然後既不復然後以下乃行成事飲腥

苴熟始歿含以珠貝將葬苴苴以遺奠而送之形體則降魂氣則上

臺灣國家圖書館, NATIONAL CENTRAL LIBRARY, TAIWAN, R.O.C.

是為天望而地藏也。氣上故望天而招。體降故穴地而藏。故生者

南嚮歿者北首皆從其初也。昔之王者未

有宮室冬則居營窟夏則居橧巢。橧谷登切。巢地而居。

謂之營窟。柴為橧在樹曰巢。未有火化食草木之實鳥獸

之肉飲其血茹其毛。毛未盡而食曰茹。未有絲麻衣

其羽皮後聖有作然後脩火之利。範金刑

範治金為器也。合土和合泥土為陶器也。以為臺榭宮室戶牖以

炮以燔。毛灸曰炮。燔火曰燔。以烹以炙。沈而煮之釜曰烹。貫而置之火曰炙。○沈直禁切。

以為醴酪。醴醴酒酪酪漿。治其絲麻以為布帛以養

生送歿以事鬼神。故玄酒在室醴醎在戶

粢醎在堂澄酒在下。按禮辨酒之五齊一曰泛齊二曰醴齊三曰盎齊四曰醑齊五曰沈齊。室內在北。古用木故身尚之。戶在室稍南。堂在室外。下則堂下。夫去古漸遠故五者各以等降。設之玄酒即泛齊醎即盎齊澄即沈齊。○齊才請切。盎於黨切。醎阻限切。上聲。醎也。禮切。陳其犧

牲備其鼎俎列其琴瑟管磬鐘鼓以其祝

嘏以降其上神。上神天神也。與其先祖以正君臣

以篤父子以睦兄弟以齊上下夫婦有所

是謂承天之祐。言行禮如此則神格而鬼享矣。作其祝號。按禮

祝號有六神鬼祗牲齋幣也皆美其辭以告神也。玄酒以祭薦其血毛

腥其俎

此二者法上禮也

熟其殽

雖有所熟猶有所腥不

復腥

赴

赴越同翦蒲席也○戶括切

席以坐

疏布以罩

當作罍覆酒巾

也既其故

衣其浣帛

凍染以爲祭服

醴酸以獻薦其燔炙

君與夫人交獻以嘉魂魄

嘉善樂也

是謂合莫

契合於冥漠之中也此以上至熟其殽法中古禮也

然後退而合烹

合其烹熟之體

無復體體其犬豕牛羊

體謂解其牲體而薦之也

實其簋簠

邊豆鉶羹

簋簠詩傳作瓦器以盛黍稷邊竹器豆木器以盛菜核鉶醢銅器如鼎和羹之器也

祝以孝告

以通孝子語於先祖

嘏以慈告

以傳先祖語於孝子

是爲

大祥

祥善也合烹以下此當世之禮也

此禮之大成也

### 五儀解第七

哀公問於孔子曰寡人欲論魯國之士與

之爲治敢問如何取之孔子對曰生今之

世志古之道居今之俗服古之服舍此而

爲非者不亦鮮乎曰然則章甫約履紳帶

搢笏者賢人也

章甫冠名約履頭之飾也紳大帶搢插也笏所執以書恩對命者

孔子曰不必然也丘之所言非此之謂也

夫端衣玄裳冕而乘軒者則志不在於食

煮

端衣玄裳齊服也軒軒車煮辛菜也

斬衰菅菲

菲菅密草復名一作菲復曰菲周曰屨

杖而歎粥者。則志不在酒肉。生今之世。志古之道。居今之俗。服古之服。謂此類也。言服其服

則制其心也公曰善哉。盡此而已乎。孔子曰。人有

五儀。有庸人。有士人。有君子。有賢人。有聖人。審此五者。則治道畢矣。公曰。敢問何如。

斯謂之庸人。孔子曰。所謂庸人者。心不存。

慎終之規。口不吐訓格。格法也之言。不擇賢以

托其身。不力行。以自定見。小闇大不知。所

務從物如流。不知其所執。荀有五鑿為正心。從而壞言五竅之正為

物所誘也此則庸人也。公曰。何謂士人。孔子曰。所

謂士人者。心有所定。計有所守。雖不能盡

道術之本。必有率也。率猶行也雖不能備百善之

美。必有處也。處猶守也是故知不務多。必審其所

知。言不務多。必審其所謂。行不務多。必審

其所由。言所務者皆必得其要也知既知之。言既道之行

既由之。則若性命之形骸之不可易也。言若性之

所命形之所賦之不移富貴不足以益。貧賤不足以損。

此則士人也。公曰。何謂君子。孔子曰。所謂

臺灣國家圖書館 NATIONAL CENTRAL LIBRARY, TAIWAN, R.O.C.

君子者言必忠信而心不怨怨咎也荀作德仁

義在身而色無伐無伐善之色思慮通明而辭不

專不專不尚言也篤行信道自強不息油然而若將可

越而終不可及者君子也油然而進之貌一作猶舒遲也下又習從

之未由也公曰何謂賢人孔子曰所謂賢人者德

不踰閑閑關也行中規繩言足以法於天下而

不傷於身言滿天下無口過也道足以化於百姓而不

傷於本本亦身也荀作行中規繩而不傷於本言足法於天下而不傷於身富則天

下無宛財宛古作苑私積也德惠而天下化之不獨富也施則天下不病

貧德普而天下賴之不獨貧也此賢者也公曰何謂聖人

孔子曰所謂聖者德合於天地變通無方

窮萬事之終始協度品之自然敷其大道

而遂成情性謂萬物之情性明並日月化行若神下

民不知其德觀者不識其鄰鄰界也此謂聖

人也公曰善哉非子之賢則寡人不得聞

此言也雖然寡人生於深宮之內長於婦

人之手未嘗知哀未嘗知憂未嘗知勞未

嘗知懼未嘗知危恐不足以行五儀之教

若何孔子對曰如君之言已知之矣則丘

亦無所聞焉謂君如此言則為已知之矣故吾無復所言矣謙已以誘進乎哀公也

公曰非吾子寡人無以啓其心吾子言也

也疑孔子曰君入廟如一作右登自阼階仰視

榱桷俯察機機几筵其器皆存而不覩其人

君以此思哀則哀可知矣昧爽夙興正其

衣冠昧爽始明也夙興早起也平旦視朝慮其危難一物

失理亂亡之端君以此思憂則憂可知矣

日出聽政至於中冥中日中也冥昧中也日昃曰昧諸侯子

孫往來為賓行禮揖讓慎其威儀君以此

思勞則勞亦可知矣紉繻之貌然長思出於

四門周章征營之貌遠視作覩亡國之墟必將

有數焉言亡國故墟不止於一也君以此思懼則懼可知

矣夫君者舟也度人者水也水所以載舟

亦所以覆舟君以此思危則危可知矣君

既明此五者又少留意於五儀之事則於

政治何有失矣

○哀公問於孔子曰請問取人之法孔子對

曰事任於官

官所司也言各當以其所能之事任之也

無取捷捷無

取鉗鉗無取啍啍

捷捷不已所以為貪鉗鉗亂也啍啍不誠也啍多言也

捷捷貪也

後求勁焉馬服而後求良焉

士必慤而後

求智能者焉不慤而多能譬之豺狼不可

適

言人無智者雖不慤信不能為大惡不慤信而有智能然後乃可畏也

哀公問於孔子曰寡人欲吾國小而能守

大則攻

守自守也攻攻人也

其道如何孔子對曰使君朝

廷有禮上下和親天下百姓皆君之民將

誰攻之

一說公意小欲能守如大國則我攻何故答云然

苟違此道民

畔

畔叛各有所歸

如歸皆君之讎也將與誰守公

曰善哉於是廢山澤之禁弛關市之稅以

惠百姓

哀公問於孔子曰吾聞君子不博有之乎

孔子曰有之公曰何為對曰為其有二藥

一曰物

公曰有二藥則何為不博子曰為其

兼行惡道也

博有三十六道

哀公懼焉有間復問曰

若是乎君子之惡惡道至甚也孔子曰君



子之惡惡道不甚則好善道亦不甚好善道不甚則百姓之親上亦不甚詩云未見君子憂心惓惓惓惓憂也朱劣切亦既見止亦既覯止我心則說詩之好善道甚也如此公曰美哉夫君子成人之善不成人之惡微吾子言焉吾弗之聞也

○哀公問於孔子曰夫國家之存亡禍福信有天命非唯人也孔子對曰存亡禍福皆已而已天災地妖不能加也公曰善吾子

言之豈有其事乎孔子曰昔者殷王帝辛之世有雀生太鳥於城隅焉占之曰凡以

小生大則國家必王而名益昌於是帝辛

介雀之德介助也以雀之德為助也不脩國政亢暴無極

朝臣莫救外寇乃至殷國以亡此卽以已

逆天時詭福反為禍者也此逆天祥而暴致之也又其

先世殷王太戊之時道缺法圯以致妖孽

桑穀並生也于朝七日大拱占之者曰桑穀野

木而不合生朝意者國亡乎大戊恐駭側

身脩行。思先王之政。明養民之道。三季之後。遠方慕義。重譯至者十有六國。此卽以已逆天時。得禍爲福者也。此逆天災而德致之也故天災地妖。所以做人主者也。寤夢徵怪。所以做人臣者也。災妖不勝善政。寤夢不勝善行。能知此者。至治之極也。唯明王達此。公曰。寡人不鄙固。此亦不得聞君子之教也。

鄙固卽前篇實固之意

○哀公問於孔子曰。智者壽乎。仁者壽乎。孔

子對曰。然人有三歿而非其命也。已自取也。夫寢處不時。飲食不節。逸勞過度者。疾共殺之。居下位而上干其君。外傳作好干上嗜慾無厭而求不止者。刑共殺之。以少犯衆。以弱侮強。忿怒不類。動不量力。兵共殺之。此三者。必非命也。人自取之。若夫智士仁人。將將行也身有節。動靜以義。喜怒以時。無害其性。雖得壽焉。不亦宜乎。

孔子家語卷之一

臺灣國家圖書館, NATIONAL CENTRAL LIBRARY, TAIWAN, R.O.C.

孔子家語卷之二

致思第八

孔子北遊於農山山在魯地一作景成子路子貢顏淵

侍側孔子四望喟然而歎曰於斯致思無

所不至矣二三子各言爾志吾將擇焉子

路進曰由願得白羽若月赤羽若日鐘鼓

之音上震於天於旗繽紛下蟠於地蟠委也由

當一隊而敵之必也攘地千里攘却也塞旗執

馘擷取也取敵之旂旗馘截敵之耳以效獲也唯由能之使二子者

臺灣國家圖書館, NATIONAL CENTRAL LIBRARY, TAIWAN, R.O.C.

從我焉。夫子曰：「勇哉！子貢復進曰：『賜願使齊楚合戰於泲瀆之野。』」泲瀆廣野大之貌兩壘相望，塵埃相接，挺刃交兵，賜著縞衣白冠。兵事尚白陳說其間，推論利害，釋國之患，唯賜能之。使二子者從我焉。夫子曰：「辯哉！顏回退而不對。」孔子曰：「回來汝奚獨無願乎？」顏回對曰：「文武之事則二子者既言之矣。回何云焉？」孔子曰：「雖然，各言爾志也。」小子言之對曰：「回聞薰蕕不同器而藏，堯桀不共國而治，以

其類異也。回願得明王聖主輔相之敷其

五教。敷布也。五教父義母慈，兄弟孝也。導之以禮樂，使民城

郭不修，溝池不越。言無踰越溝池也。鑄劍戟以為農器，

放牛馬於原藪。地廣平曰原，澤無水曰藪。室家無離曠之

思，千歲無戰鬪之患，則由無所施其勇而

賜無所用其辯矣。夫子凜然曰：「美哉德也！」

子路抗抗舉手也手而問曰：「夫子何選焉？」孔子曰：

「不傷財，不害民，不繁詞，則顏氏之子有矣。」

魯有儉嗇者瓦鬲。鬲，郎狄切。曲脚鼎也。煮食食之，自謂

其美盛之土型型美經切○瓦甌小盆也以進孔子孔子

受之而說如受大牢之饋饋與餽同子路曰瓦甌

陋器也煮食薄膳也夫子何喜之如此乎

夫子曰夫好諫者思其君食美者思一作其

親吾非以饌具之為厚以其食厚而我思

焉

孔子之楚而有漁者獻魚焉孔子不受漁

者曰天暑市遠無所鬻也思慮弃之糞壤

不如獻之君子故敢以進焉於是夫子再

拜受之使弟子掃地將以享祭門人曰彼

將弃之而夫子以祭之何也孔子曰吾聞

諸惜其腐餼餼餽同忍甚切而欲以務施者仁人之

偶也匹也惡有仁人之饋而無祭者乎

季羔為衛之士師獄官別人之足俄而衛有

蒯聵之亂初衛靈公太子蒯聵得罪出奔晉靈公卒立其子輒蒯聵自晉襲衛時子羔子路竝

仕於衛也季羔逃之走郭門閉者守門焉謂季羔

曰彼有缺季羔曰君子不踰又曰彼有竇

季羔曰君子不隧隧從竇出又曰於此有室季羔

曰

乃入焉既而追者罷羔將去謂刑者曰吾不能虧主之法而親刑子之足今吾在難此正子之報怨之時而逃我者三何故哉刑者曰斷足固我之罪無可奈何曩者君治臣以法令先人後臣欲臣之免也臣知之獄決罪定臨當論刑君愀變色貌○七小切然不樂見君顏色臣又知之君豈私臣哉天生君子其道固然此臣之所以說一作脫君也孔子聞之曰善哉為吏其用法一也思仁恕則

樹德加嚴暴則樹怨公以行之其子羔乎

孔子曰季孫之賜我粟千鍾而交益親季平子用

孔子由委吏至司空千鍾謀也自南宮敬叔之乘我車也而

道加行孔子欲見老聃而西觀周敬叔言於魯君給孔子車馬問禮於老子孔子歷觀郊廟自周

而還弟子四方來學也故道雖賢必有時而後重有勢

而後行微夫二子之貶財則丘之道殆將

廢矣

孔子曰王者有似乎春秋正其本而萬物皆正文王以

王季為父以太任為母以太姒為妃以武

王周公爲子以太顛闕天爲臣其本美矣  
武王正其身以正其國正其國以正天下  
伐無道刑有罪一動而天下正其事成矣  
春秋致其時。致推極也春秋以二始舉四時也而萬物皆及王  
者致其道而萬民皆治周公載已行化。行也言行已以行化其身正不令而行也  
會子曰入其一作是國也言信於羣臣而留可  
也行忠於卿大夫則仕可也澤施於百姓  
則富可也孔子曰參之言此可謂善安身

矣。

子路爲蒲宰爲水備與民修溝洫以民之  
勞煩苦也人與之一簞食一壺漿孔子聞  
之使子貢止之子路忿然不說往見孔子  
曰由也以暴雨將至恐有水災故與民修  
溝洫以備之而民多匱乏餓者是以簞食  
壺漿而與之夫子使賜止之是夫子止由  
之行仁也夫子以仁教而禁其行由不受  
也孔子曰汝以民爲餓也何不白於君發



倉廩以賑之而私以爾食饋之是汝明君  
之無惠而見已之德美汝速已則可不俯九切  
則汝之見受作罪必矣

子路問於孔子曰管仲之為人如何子曰  
仁也得仁道也子路曰昔管仲說襄公公不受是

不辯也欲立公子糾而不能是不智也按齊襄公

立無常○無常度也鮑叔牙曰君使民慢亂將作矣奉  
公子小白出奔莒公孫無知殺襄公管夷吾召忽奉公  
子糾奔魯齊人殺無知魯伐齊納子糾小白召忽先入是為桓公及殺子糾召忽外之家殘於齊  
而無憂色是不慈也桎梏而居檻車無慙

心是無醜也言不恥惡事所射之君初魯無知以發兵送公子糾入齊

而使管仲別將兵遮莒道以拒公子小白管仲射小白中帶鈞是不貞也召忽死

之管仲不死是不忠也孔子曰管仲說襄

公襄公不受公之闇也欲立子糾而不能

不遇時也家殘於齊而無憂色是知權命

也桎梏而無慙心自裁審也事所射之君

通於變也不死子糾量輕重也夫子糾未

成君而管仲未成臣管仲才度義管仲不

死束縛而立功名未可非也召忽雖死過

於取仁未足多也。

孔子適齊。中路聞哭者之聲。其音甚哀。孔子謂其僕曰。此哭哀則哀矣。然非喪者之

哀也。

也一

作矣

驅而前。少進。見有異人焉。擁鎌

鑿

也

也

帶索。哭音不哀。孔子下車追而問曰。

子何人也。對曰。吾丘吾子也。曰。子今非喪之所奚哭之悲也。丘吾子曰。吾有三失。晚而自覺悔之何及。曰。三失可得聞乎。願子告吾無隱也。丘吾子曰。吾少時好學。周徧

天下。後還喪吾親。是一失也。長事齊君。君驕奢失士。臣節不遂。是二失也。吾平生厚交。而今皆離絕。是三失也。夫樹欲靜而風不停。子欲養而親不待。往而不來者。季也。不可再見者。親也。請從此辭。遂投水而死。孔子曰。小子識之。斯足為戒矣。自是弟子辭歸養親者。十有三。

孔子謂伯魚曰。鯉乎。吾聞可以與人終日不倦者。其惟學焉。其容體不足觀也。其勇